



*Minggu, 18 Juni 2023*  
**Ogen: Joel 2:21-25**



**“Tuhan Make TinepaNa”**



**D**ibata njadikan tinepaNa alu dem kiniulin. Tinepa si ijadien Dibata e kerinana lit gunana nandangi tinepa Dibata sideban. Umpamana : matawari, bulan ras bintang ijadien guna mpeturah sinuan-sinuan si lit i doni khususna matawari, adina bulan guna nerangi berngi sigelap. Binatang-binatang rikut pe ras sinuan-sinuan ijadien guna nampati tinepa sidebanna eme manusia; sedangken manusia ijadien guna nampati dengen njagai tinepa sideban ka. Artina lit kawiten tinepa sada ras sidebanna. Sura-sura Dibata gelah kerina tinepa si nggo ijadienNa nggeluh alu mehuli dengen ncidahken kehamaten nandangi kerina tinepa. Manusia la banci sembarangen nabahi kayu-kayu i kerangen; manusia la banci munuh rubia-rubia guna ngukurken kesenangenna saja tapi manusia arusna ngkelengi ras njagai tipena Dibata e.

Juma-juma ingan turah sinuan-sinuan ersurak; rubia-rubia i mbal-mbal isikapken gelahna rubia-rubia e ndatken gagaten simeratah; batang kayu mereken buah; kalak sion ersurak erkiteken ibereken Dibata wari udan lako mpeturah sinuan-sinuanna dengen lit lau inemen man rubia-rubiana; Dibata ngulihkan kerinana i bas paksa si payo guna kiniulin kerina tinepaNa e.

Tuhan make tinepaNa guna ncidahken kemulian bage pe kuasaNa nandangi doni enda. Tuhan make tinepaNa guna engkelengi doni enda. Oratna ka lah kita selaku tinepa Dibata si mulia, mbelin min gunanta guna njagai tinepa. Artina adi perlu kita batang kayu guna erbahan sapo-sapo, ope dengan i tabah, suanlah lebe gantina; adina perlu kita rubia-rubia entah pe nurung-nurung guna jadi bengkau manta, buatlah asa perlunta.

*☞ Dibata njadikan tinepa gelah lit dalanta guna erbahan mehuli*